

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a







DE OPTIMA MEDICORVM SECTA,
ORATIO INAUGVRALIS,

Habita in Archi-Lycæo Patauino,
die 8. Nou. 1676.

1
6
516

A CAROLO PATINO

DOCTORE MEDICO PARISIENSI,

MEDICINAM PRACTICAM INTERPRETANTE.



PATAVII, MDCLXXVI.

Typis Petri Mariae Frambotti, Superiorum permissu.

614

1

Illustrissimo & Excellentissimo D.
D. BAPTISTÆ NANIO,
E Q V I T I,

DIVI MARCI PROCVRATORI,
PATRONO SVO SINGVLARI,

C A R O L V S P A T I N V S :



Quantum Tuo fauori, benevolentia, officijs, beneficijsque singularibus in Extraneum, & nihil de Te meritum debeam, Illustrissime & Excellentissime Vir, non modò devota mente agnoscere, sed etiam publico praconio prosequi, tam æquum duco, quàm quod æquissimum. Cujus quidem publicum specimen & testimonium non potui non Tibi sistere, primo quovis quod occurrebat quodque conveniret, publici juris facere. Occurrebat autem Oratio Inauguralis & auspicatoria professionis medicae, Ser. Reipublicae benignitate mihi indultae, quae si meritis & dignitatibus Tuis minùs quàm par est, respondet, (quid enim in me esset Tua amplitudine dignum) saltem hoc nomine Tibi poterit non displicere, quòd primitiarum harum oblatione, speratos messis litterariae proventus vberiores Tibi sacratum & dedicatum eo, siquidem eos ut expeto & expecto, benevolentia Tua irrigare & ad maturitatem perducere non eris dedignatus. Vale, sicut Tua virtus meretur, O & praesidium & dulce decus meum, in Serenissimae Reipublicae ornamentum, litteratorumque & bonorum omnium columen.

E museo nostro Patavino, Eid. Nou. MDCLXXVI.

Illustrissimi Excellentissimique Domini, Illustrissime
Generosissime Vice - Syndice, Sapientissimi
Professores, Φιλιαῖςοι πρᾶstantissimi, Auditores
omnium ordinum ornatissimi.



Magnam profectò atque arduam hac die rem aggredior, qui
injunctam mihi à Serenissimo Principe profitenda medicina
provinciam suscipio. Neque enim ignoro, quanti ea res sit la-
boris, quantumque studij ac diligentia requirat; ut qua de
tuenda hominum sanitate, quâ nihil nobis mortalibus Deus immortalis
concessit pretiosius, de cognoscendis innumeris morborum causis, qui-
bus nihil in rerum natura abstrusus, & parandis laboranti natura re-
medijs, quò nihil vel utilius vel operosius excogitari potest, non solùm
verba facienda, sed etiam præscribendi præcepta, mihi imponit necessi-
tatem. Vnde meritò à Serenissima Republica obseruatum animaduerti-
mus, ut doctissimos & numeris omnibus absolutos viros, hisce docendi
functionibus hæcenus præficeret. Id sanè, quominus in locum hunc or-
natissimum ascenderem, & immensum hoc onus humeris meis susciperem,
deserrere omnino potuisset: Verùm & spectatissimorum Præcerum benevo-
lentiam, qui me honore hoc non existimarunt indignum, & vestram,
Ornatissimi Auditores, humanitatem, quâ & alios prosequi consuevi-
stis, me subleuaturas, viresque ingenio qualicunque adjecturas spero;
sicque futurum, ut mens coferuore excitata, huic muneri ardentius su-
binde inservire discat, & alacrius ad majora in dies suscipienda feratur.
Spem illam insuper fouere videtur jucunda præteriti honoris laborisque
recordatio: Cum enim à viginti ferme annis in celeberrima totius orbis
academia Parisina, παδολογίαν ut difficiliorē sic nobilitorem artis medi-
ca partem, Saluberimæ Facultatis iussu, docuerim, fructum hinc ube-
riorem ad hos quos sanctioris medicina studiosos, emanaturū confi-
do. Αἰσχρὸν σιωπᾶν, eloquar itaque, & professionis mihi gratiosè deman-
data facturus initium, præcabor ante omnia Deum O. M. ut ea res mihi,
huic quam auspicio dignitati, studiosa quam posthac institutam iuventuti
floreantissima in cuius gremio versor Academia, nobilissima ciuitati Para-
uina, Serenissimaque Respublica Veneta, qua me honorificentissimè promo-
uet, benè ac feliciter eveniat.

Cogitanti verò mihi quodnam præcipuè argumenti genus in hoc liste-
ratissimorum hominum concursu tractandum susciperem, vix aliud am-
plissimo hoc loco dignus accomodatiusque visum est, quàm si opinionem
meam De optima Medicoi ū lecta explicarem, simulque Φιλιαῖςοις audi-
toribus meis inuicem iter illud salutare, quo ad sacras Æsculapij Hy-
giaque aras peruenire dicitur. Magni enim referre arbitror, sinceram

philosophandi rationem, cuius auxilio τὸν ἐν τῷ πᾶσι καὶ ἀδελφῶν ad intima natura arcana manuducantur. pramittere; ne neglecta consensionis scholarum ratione, & post habitis omnium seculorum viris, eruditione prudentia- que nobilissimis, peculiare quibus sibi fingat disciplinas acquirendi modos, fucatas novitatis illecebras antiquitati preferat, sophisticamque pro sapientia, hoc est, chrystallum pro adamante miretur, diuinaeque scientie integritatem, suo atque humani generis damno corrumpat & labefactet. Vestram itaque compello humanitatem, Auditores, qua de tanto argumento differenti mihi sufficiat, vestramque subleuet in audiendo, patientiam.

Quotquot de Medicorum sectis tractarunt, eas in tria genera distinxerunt, quod totidem viae propositae illis fuissent, qui in huius artis tum inventionem tum propagationem olim incubuerunt. Etenim qui maioribus ingenij luminibus excelluerunt, ac praeter vulgarem cognitionem suae mentis acie res ipsas cognoscere sunt conati, sensus cum intelligendi vi coniungentes, eam artis formam quam Dogmaticam appellant, constituerunt. Fuere etiam alij, qui quod intelligendi facultati minus quam par erat, tribuerent, in comunissimis quibusdam rationibus sibi subsistendum esse existimarunt, ac hi Methodicam stabilierunt medicinam. Reliqui qui fidem rerum solis sensibus adhibuerunt, inuestigatione causarum repudiata, Empiricam ab experientia dictam invexerunt. Ac mihi quidem de hodiernis Medicis cogitationem suscipiunt, & si multa seculorum decursu in arte medica mutata esse videantur, tamen eadem sectarum genera jam dudum agnoscere facillimum est: Habent enim & haec tempora suos rationales, habent & methodicos, habent etiam empiricos Medicos. Ex ijs qui quibus anteponi aut posthaberi debeant, impresentiarum nobis explicandam incumbit. Non vero repetam hoc in loco longius, ea qua disertè contra sectas à Galeno nostro olim disputata sunt, quod his temporibus minus sint accommodata. Illud ostendam, utramque tum empiricam tum methodicam imperfectam esse ad tantam & tam operosa artis constitutionem: Quam etiam illud probabo facillè, ex rationali secta, quae & ipsa nostra, hac aetate dissecta est, eam maxime amplectendam quae Hippocratis, Aristotelis, Galeni & Auenenne principijs praesertim innititur.

Ergo ut de Empirica prius dicam, quae & tempore prior fuit, quis est vel meascriter in vera philosophia eruditus, qui non intelligat rationem omnem tolli ab ijs qui solo sensuum iudicio rerum naturas inquirendas censent. Quid enim, per Deum immortalem, bruta animalia ab homine differrent, si cognitio nostra praeter rudem illam & inchoatam à sensibus peritiam rerum naturam, progredi non valeat? Etenim hoc vno errore doctrina omnis sublata erit, & aditus ad mentis intelligentiaeque cultum intercludetur omnibus. Sed dicat fortasse hoc in loco aliquis, utrum istius non negare plane causarum omnium inquisitionem, verum ea

in medica disciplina ob naturæ obscuritatem institui non posse. Quasæ
 verò, quod in reliquis longè obscurioribus rebus præstari potest, id in ma-
 nifestioribus nobisque magis obvijs, sit impossibile. Acies humana intel-
 ligentia calos penetravit, profundum maris, abyssos terra, & familiaria
 hæc non assequitur? At verò inutilis & laboriosa fortasse erit curiosas
 nimis causarum abditarum inquisitio: Dicuntur quidem hæc, sed qua
 facile ipso artis usu refelluntur. Quid enim, nonne in omni medicatio-
 ne momenta omnia in causarum investigatione consistunt? Nonne vulgè
 etiam sermone jactatur illud, curari agros sine causis affectionum cognitjs
 non posse? Qua de re appositè cecinit Mantuanus Poeta,

Felix qui potuit rerum cognoscere causas.

Nec est quòd mihi quis de symptomatum concursu cujus notatione dif-
 ferentia causarum distinguantur, referat. Cum enim symptomata alia
 à morborum causis, alia à locis affectis, alia à facultate ipsa naturæ, alia
 ab alijs occasionibus proficiantur, ac ob complicationem variorum acci-
 dentium à varia causarum & affectionum connexionione profectorum, con-
 cursus symptomatum (συμφορῶν Græci vocant) non idem semper existere
 potest, quæ jam in morbis eorumque causis observationum certitudo à solis
 symptomatibus oriri poterit? Sed de cognoscendis pathematis contra
 Empiricos hæc hæctenus dicta sint: nunc de ipsorum in dignoscendis re-
 mediorum facultatibus more dicendum. Vbi illud initio occurrit ani-
 maduertendū, quòd cum utilitatis remediorū observatio à concursu sym-
 ptomatū notatione istis auctoribus proficiatur, cum in isto concursu nul-
 la firmitas certitudinis insit, ut paulò ante ostensum est, etiam utilitatis
 remediorum observatio firma & cognitio certa inde depromi haud potest.
 Verùm ut maximè illud concedamus, tantam industriam in concursu
 symptomatum connotando adhiberi posse, ut nullus error committatur,
 nū ob id in experiendo remedio nihil interveniet, quod experientis obser-
 vationem impedire queat? Etenim perspicuum esse existimo, pleraque re-
 media diversos sæpe effectus præstare, non quidem eadem ratione, sed alios
 per se, alios verò ex accidente quodam, ut loquuntur Philosophi: Hos ve-
 rò quia πειρίσινδὲ experimentalior distinguere neque studeat neque potest,
 qui quæso fieri potest, ut in observandis remediorum facultatibus non
 decipiat? Neque prætermittam, in experiendis auxilijs medicis multa
 alia accedere necessum esse, quæ si desint ipsorum vis & natura investiga-
 ri haudquaquam potest. His porrò penitus ignotis, impudentissimè
 fronte fingit se Medicum quisquis, cuius tamen personam paucissimi su-
 fficere valent. Infelicissimis agrotantibus, aut mortuorum amicis su-
 preest amplum exclamandi argumentum: Quam stultum est medicorum
 credere nugis. Ij præsertim, scribente Plinio, dicunt periculis nostris
 & experimenta per mortes agunt, medicòque soli hominem occidisse
 summa impunitas est. Longè sapientior Galenus qui nihil unquam

agrotis exhibuit prater id cuius vis & usus per rationē & experientiam ei non constaret. Perspicitur itaque, Auditores, solam experientiam, ac empiricam medendi consuetudinem, ob imperfectiōem haud immeritò repudiandam esse.

Sequitur Methodica, quæ quanguam hoc tempore ex hominum memoria sublata esse videatur; neque enim facile inveniretur, qui vulgares istas Thessali communitates amplius tueri sustineret, tamen nō dissimiles absurditates à quibusdam asseri perspicimus, qui cum empirici videri nolint, prater generalem quamdam, ac confusam tum pathematum tum etiam remedicorum cogitionem, nihil prorsus ad medendi artem asserunt: His enim satis est omnes morbos sub frigida & calida causa contineri, eosdem ad laxum vel adstrictum reuocare, ex capitulis ut vulgò loquuntur curationes instituere, nulla circumstantiarum tum agri tum morbi & locorum affectorum diuersitatis habita ratione, denique auxiliorum differentias vix primis qualitatibus distinguere: Qua omnia quàm inepta, manca, periculisque plena sint, non possum satis consequi. Principio enim hallucinantur hi ob, ἔδειξεν δὲ διαίτησιν, gnoratione methodi, dum contra demonstrationis formas, à summis generibus ad infimas rerum species non descendunt: Deinde, morbis non satis distinctis, distinguere etiam, auxilia haud possunt: Tum illud quoque vitio non vacat, quòd contemnant earum circumstantiarum obseruationes quæ ab eruditissimis Medicis diligenter expensa ac animaduersa semper fuerunt. Ac ipse rerum usus euidenter demonstrat, quàm multum intersit, an seni, viro, aut puero medicamentum prabeas, & quo tempore medicationes instituantur, tum quibus in locis agri quibus opera medicæ impenditur, versentur; ac quibus viribus, quoque temperamento pradii sint. Hac, inquam, cum non animaduertantur ab illis qui laborem in discendo vitare studentes, nescio qua sibi fingant artis compendia, accidit, ut Empiricis deteriores ineptioresque euadant. Porro si quidpiam fortunati casu successerit, palmarium facinus ac triumpho dignum se fecisse existimant, Thessali sui vesantiam imitantes: Is quippe sepulchro suo quod temporibus Plinij Galenique nostri in via Appia conspiciebatur, se iusserat ἱεροῦντο predicari, quò ceterorum Medicorum victor & triumphator superbè declararetur.

Itaque methodica illa explosa, reliquum est ut fateamur, longè optimam esse medicinam Dogmaticam, quam Hippocrates omnium artium præstantissimam ut & longissimam nuncupavit, Rationi simul & Experientia, iuxta Galeni mentem, duobus veluti cruribus innixam. At verò cum hac nostro tempore biparsita sit, velim Hippocraticam illam, & Galenicam à me intelligi reliquis sectis præferendam. Etenim eam quam Chymici magno supercilio solam jaclitant, quare non possimus admittere, causas habemus grauissimas: Nam & ex ijs plerique, cum neque morborum naturas, neque remediōrum facultates norunt, neque occasiōnem venendi,

in qua præcipuum esse Medici minus docuit Plato, (τὸν κρείττον ὠνοῦν Hip-
 ocrates, opportunitatem Latini) neque etiam agrorum circumstantes
 proprietates expendant, planè ad Empiricos desectunt, hoc tamen Empi-
 ricis ipsis peiores, quòd medicamentis nondum satis expertis ac inpri-
 mis violentis & à natura humana alienissimis utantur. Sunt etiam qui
 Scyllam hanc fugientes in vicinam Charybdim incidunt incauti, & levi
 quadam præditi sua secta doctrina, methodici esse malint; ac hi quidem
 peculiare sibi novitates fingunt, ad quas sua accomodent remedia, sed quo
 successu, infelix nimium eventus ostendit. Reconditiorem porrò hujus
 secta doctrinam sibi arrogant Novatores illi, præscorum Philosophorum &
 præcipuè Aristotelis dogmata suis probris infamantes, vixque quidquam
 ex ijs oriri præter materia & forma uniones varias inanesque considera-
 tiones, clamitantes. Hos vel omnium qui à duobus annorum millibus in-
 ter Musas vixere testimonijs refellere possem, ni hujus ἀξιόματα fidem
 continuam facerent, veram Medicinam, qua à Tertulliano, Sapientiae fo-
 ror dicta est, ita arte Philosophia conjunctam esse, ut nullus nisi planè
 ἀσοπος, negare possit ibi Medicum incipere ubi desinit Physicus: Nam
 Medici, inquit idem Aristoteles, quicumque vel diferti vel diligentes
 sunt, de natura agunt, censentque principia ab ea petenda esse. Super-
 bum de eo exstat Ciceronis testimonium: Sed quis, inquit, omnium do-
 ctior? quis acutior? quis in rebus vel inveniendis vel judicandis acrior
 Aristotele fuit? Sed demus quadam deesse Aristotelica philosophia ad
 summam ejus perfectionem, num ob id nulla erit? num principia in ea re-
 ctissimè constituta, submouenda sint? num omnis doctrina basis plane
 demolienda? non opinor: Utamur potius Veterum optimis inventis, &
 si vel ratio vel usus rerum plura suppeditat, ea adjiciamus, ut quoad fieri
 potest, ad disciplinarum expolitionem studia nostra omnia conferamus.
 Quippe hoc pacto illud consequemur, ut & Patrum nostrorum laudatissi-
 mis conatibus sua constet gloria, simulque propriam industriam debita
 laude non privemus. Non minorem sapit absurditatem quodquidem do-
 cent, remedia non quoad contraria sed quoad similia existunt, morbos tol-
 lere, sicque veterum Philosophorum ἀξιόματα contraria contrarijs curari,
 explodendum ex Medicorum scholis, arbitrantur. Si etenim ipsorum in
 medendo rationem quis penitus contempletur, facile animadvertet, in
 operibus medicis aliena à dogmatibus suis efficere conari: Quis enim illo-
 rum est qui in plethoricis affectibus per alicujus venæ sectionem evacuare
 non procuret? qui in cacochymicis morbis purgantia non adhibeat? qui in
 maximis & vehementissimis doloribus demulcendis ἀρόδω non usurpet?
 qui denique in summo vita periculo constitutos, post inaniter exhibita
 Paracelsica secreta, remedijs, ut vocant, Galenicis, ab orci faucibus eripere
 non conentur? Adeo vel suis parùm fidunt, ut non minus admirationis
 commiserationisque pariat eorundem inscitia ac impostura, quàm stulto-

rum infortunatorumque qui illos invocant, credulitas.

Legitimè perpendantur agrorum circumstantia, sexus, aetas, temperamentum, vires & vita genus: Perpendantur exquisitè qua naturam laedunt, ad leuissima vsque symptomata: Curatio postea instituat ad sanandum apposita, citò, tutò & iucundè, ex indicantibus & contra indicantibus, iuxta sacram medendi methodum, ratione & experientia comprobata. Sola est illa Dogmatica medicina viro sapiente digna, quae à Deo O. M. verè seruatore, ἀντίσω & ἀλεξιάνω concessa, hominem totum à natura morbum tuetur ac reparat. Nihil est illa melius, ut Ciceronis verbis utar, nihil optabilius, nihilque hominum generi datum praestabilius. Sola est illa veluti parens immortalitatis altera, cuius ope ceteros mortales ἀποθανάτιζον ἀρτίου ἀντιόχοιο coryphaei. Sola sit igitur illa qua Medicum nobilitet, natura ministrum, adiutorem & opificem primarium, illumque supra quoslibet alios Sapientes extollat:

Ἰατρὸς γὰρ ἀνὴρ πολλῶν ἀνθρώπων ἄλλων.

Dogmatica huic expendenda si alacrem nauaueritis operam, Praestantissimi Studiosi, idem Vobis accidet, quod teste Varrone, olim Hippocrati; non homines modò, verùm & ciuitates seruabitis; sicque iuxta Salomonis oraculum, multitudine sapientum, sanitatem orbis terrarum procurabitis.

Tempus nunc adest gratum animi testimonium offerendi Serenissimo Principi, Senatui augustissimo, Illustrissimisque atque Excellentissimis DD. hujus Lycei Moderatoribus; qui communi consensu, me ad hunc honoris academici apicem euexerunt: atque eò majores rependo gratias, quò nulla vel aetatis meae vel tenuitatis habita ratione, clarissimis toto terrarum orbe Reipublicae litterariae luminibus accenseri me iusserunt.

Reliquum est, ut gratias pariter Vobis referam, Illustrissimi & Excellentissimi Domini, hujus ciuitatis Rectores meritissimi, qui sepositis, ad tempus, grauis imis Reipublica curis, hanc meam publicam muneris professorij inaugurationem, honorificam vestram praesentiam, illustrare non estis dedignati. Quo nomine praeter notam illam omnibus aequitatem & prudentiam, perenni obseruantiae cultu Vos veneror, fulgidissime Serenissima Reipublica sydera.

Ad vos tandem me conuerto, Illustriss. & Generosissime Vice-Syndice, Sapientissimi Professores, Auditores quotquot hic adestis patientissimi: Quòd vestras aures mentemque ita benignè mihi commodaueritis, facit ut me totum in aeternum Vobis deuinxisse. Tantum illud erga me beneficium, quamdiu spiritus hos reget artus, nulla unquam minuet aetas, nulla delebit obliuio.

DIXI.

005666140